

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

“Babo digjet e Klodi krihet”, kush janë “trimat” dhe “tradhtarët”

Analizë

Publikuar: 27/09/2026

f X



Nga Agron Gjekmarkaj

Kronika magjepset nga trimat dhe evidenton tradhtarët e Babos!

“Qyqja, moj nënë, qyqja, moj nënë,” u dëgjua mërmërima e Ekonomit kur pa Klodi Spaçin të veshur si vajzat me kordele të kuqe!

Kësaj i thonë: Babo digjet e Klodi krihet, i pëshpëriti Evisi te veshi, duke ia kapur xanxën.

Në fillim Zoti të merr mendjen, pastaj të tjerat avash-avash! Gaz Bardhi, ti merr të gjitha njëherësh! Erzin të parin. Është bërë si xhebraili, nga dosja del, në dosje hyn!

Tezja, qerratesha plakë, nuk bëri ish pa patur pula, u bë def, ç’më duhet mua, mendoj, Vlora me Gysin.

Ky i fundit, thonë që e paskësh thirrur për ta qortuar në zyrë për disa leje e gjëra në Jug dhe ajo ishte përletur! Aty i ka thyer zemrën. Ditmari bën be që ajo është e ndjeshme, se ia di hukamat e fshehtësisë dhe e ka vuajtur.

Sypetrit Malaj lëshonte vetëm krisma nga pas, bam-bum, bum-bam, prej stresit e frikës, aq sa Niko i tha: “Hallall bataretë e Opozitës, se nuk mbajnë erë, po ti paske ngrënë kërmë, more jezit, he të shplafte mortja, nuk paske patur një pikë mëshire!”

Stomaku i bënte zhurma si makinë korrëse!

Delina mbante një shami të lagur me uthull molle, si në protesta kur hedhin gaz lotsjellës! Sa e hiqte, lëshonte një pasthirmë sekellidie.

Ministri i Brendshëm, boli Demir Demo, hyri fshehurazi, siç i ka

Me të lexuarat

33-katëshi në Vlorë/ Ardi Kollçaku, marrëveshje me “grupin e kokainës” për “Kullën e



dosjen Baks-Rrjoll/ Roli i “zonjës” së territorit Adelina Greca, vëllezërit



80 mijë euro tendera / Kush është fierakja Diana Laba që vjedh paratë e bashkive me



kuajtë... Denis Luli, shënjestra e atentatit në Athinë dhe i dyshuari Klod Cara, histori



droge d... U arrestua me urdhër të SPAK, kush është “i forti” i Shkodrës! (Emri)



hije një trimi, dhe iku tinëz me krenari lepur! Nuk lypte telashe!
Thonë do të dalë vetë me dyfek mbi supe, fustanelle veshur,
hipur mbi kalë, si Osman Gazepi dikur në Berat, për të bërë
terbië krimin e organizuar.

Njeriu i trashë Gonxhe, (nga shëndeti më i gjerë se i gjatë, se
nga mendja është birbo e allishverishexhi, edhe pse nuk di
shkrim e këndim) bëri një xhiro me engjëlldisje mamuthi, sa për
t'u dukur, dhe iku! "Ç'më duhet mua", i tha në korridor, "jam me
zemër të ngrirë, se më ka thirrur gjashtë herë Gysi te vendi." I
thuhej jo atij, he, i thuhej jo? Një ditë u rebelova, i bëra bisht:
"Jam në Butrint." "Po mirë", më tha, "të pres kurdo të kthehesh."
Ç'të bëja, i shkova në mesnatë, pimë nga një gotë nga ajo vera e
përfolur! E mirë ishte, të lëpije buzët.

Ata që kanë shkuar në studion e tij për të bërë hajër, për të
ndërruar pozicionet, rrinin kokëulur si zaif dhe kishin të hequra
barkut!

Nëpër dhëmbë, njeri tha: "Të bëjmë shoqatën 'evleterit e Gysit'
dhe të mbrojmë njeri-jatrin nga telashtet." "Jo", tha dikush, "ai
ishte më i ri se ne. Qysh ne qenkemi bij, le ta quajmë 'Besëlidhja
e Shenjtë'." Kështu u la! Ata që kanë ngrënë dacka abstenuan.

Vetëm Klosi doli të fliste si shyta (dhia që kërkonte brirët e humbi
edhe veshët) e llomotiti mbyturazi nga dy-tre fjali, si ajo fërfërima
nëpër poture! Pastaj, duke u tulatur dhe me marramendje, u ul
në vend! Askush s'i tha: "Puna e mbarë!" Ca lëshuan llafë të liga,
e ka nga pagjumësia, se vesi të punon qindin, helbete!

Seanca e të enjtes ishte surreale, gjithë namuzi i mazhorancës
mbeti në dorë të Qefseres! "Fol", i thanë Koçisë, "fol, beja fora,
tregoje veten, ç'mund të bësh për Babon tonë në këto kohë
zavallesh, se po të ishte Etilda këtu, e përmbyste bankën e
druntë të qeverisë, si monumenti 'Nënë Shqipëri', do na
printe?!"

"Jepi, ndizë", i thanë Nufit, "lëshoji raketat e tua, shtypi butonat,
tunde, more i paudhë, shkrepe, digje, bëje zhari, falja dreqit
gjithë ata edepsezër aty poshtë!!!" "Jo more, jam njeri i paqtë,
jam i kalemit, i mendimit, arma ime është kultura", tha dhe u
fsheh nën tavolinë!

Pirro Dëngu e pa me përbuzje. "Po të isha unë aty, si dikur, tani
sillja ushtrinë dhe i bëja zap, i zinin me duar dhe kjo mesele
mbyllej me ballin lart, se ne kemi ngritur prapanicat e ulur
kokën", sot sokëlliu! Një lot sa një arrë i ra mbi dysHEME!

"Thërrisni Karakaçin", lëshuan kujen, "të vijë e të bëjë betejë, të
luftojë si Oso Kuka, se na mbyti opozita", këshilloi Bora, teksa
vetë i frynte një pipeze!

"Eh", tha Igli, "ku ta kapësh Enea Larasken (sipas dialektit të
iuqut. Karakace = laraske)!! Këmbët e lehta. faqia e bardhë. ai

pastaj e ka zët të folurën." "Po mbase luan gishtin", insistoi Bora. "Eh, jo për këtë punë, bezani", Igli, "po për atë tjetrën e vërtit!"

Në këtë mërzi e maraz, Shalsi, me lehtësinë e papërballueshme të qenies, nxori dy rrisa bukë me gjalpë dhe me ca feta sallami brenda dhe i hëngri, si të ishte në një planet tjetër! Fërkoj edhe plëncin! Fatmir Xhafa, krejt si në këngën e Bregut "Thelleza që shkel mbi vese", ashtu, pa u ndjerë si faraon, nuk u pa më.

Ju lutën Damos me lot në sy, motrani e shoqëni: "Fol, dil, se të bën Neta petulla ty, dil mbro Babon se pisk puna!" "Me qejf", tha, "do ta bëja, po kam orarin e palestrës, Babo ka thënë mendje e shëndoshë në trup të shëndoshë, pastaj ai ka besim te Zeniqeja, jo tek unë, nuk e zhgënjej dot, nuk ia kam prishur kurrë!!!"

I shihte Kostaqi qartë e më qartë dhe vuante thellë e më thellë. "Ah, të isha deputet aty, të shihnin ata zulleper, si i piqja në hell një nga një, si të ishin shelegë Lume", dhe një damar ishte gati t'i dilte nga balli e të merrte arat si nafta që plas nga toka!

"Bah, mezallah", tha Koçia pas një hezitimi të gjatë!

"Për këtë ditë të zezë kemi Qefseren", e cila, e dalë si nga legjendat, çapitej mbi një fjalim të bërë hazër nga të tjerët!

Disa të shastisur shqiptonin si në jerm një fjalë të çuditshme: "Kartela, kartela"! Kidi, gjoja për ta mbrojtur, po sikur i nguli një kamë, tha: "Se ju jeni të pashpirtë, i kujtoni edhe lëndimin e damarëve!"

Braçja trokiti, si edhe herë të tjera, në dyert e kronikës! Ai pyeti: "Qysh e dini që Mamica me Taon vanë në konak të Babos?" "Na e ka thënë Babua vetë", i thamë, "na e kërkoi si nder që të përhapim llafin që Mamica gjet rrugën e Perëndisë dhe ju, trazovaçet e vegjël, të hidhni nga dora biçakët, boll bëtë lojëra luftërash!"

Braçja u skuq kur i konfidencuam se ty do të presë Qefserja për të bërë autokritikën, i shoqëruar nga Erjo Mile si dëshmitar, pa lule, pa llokume, pa portret. Pastaj ajo i shpie koncentratin! Ervin Hoxha pyeti Ogin: "Të ngrihem t'u bëj gjëmën?" Ajo e ndali: "Rri, mbaj shënime e dorëzoji listën 'Kronikës', se nuk je ende gati pas traumave që ke pësuar! Ky është veprim më i dobishëm."

Erjon Malaj u binte tëmthave me grushte - "Ç'më gjeti, ç'më gjeti" - ia dha piskamës!!! "Nuk flet askush, fshihen more", u ankua. "Fol ti." "S'do", thotë njeri, "se më ka vdekur gjyshi vjet, kam përvjetorin, nuk më bën zemra." "Fol ti", i them tjetrit. "Mos ma kthe, kam parë ëndërr mbrëmë, sikur këputa gjuhën me dhëmbë dhe jam si pa qejf." "Ti do llafosesh?" "Ah, jo, më ka pjellë pela në fshat, kam gëzim, ejani t'ju qeras!"

S'do askush e qante: "Ah, axha Tao, axha Tao, si më le vetëm në

ditë të kiametit! U bëfsha tullac, u bëfsha, po ndeja me fillikat”, lebetitej!

Epo, Tao e vërtit llafin, qerratai i ka vënë syrin karriges së Nikollaqit! Pret tetorin. E pe edhe Babua, me gjithë dertet që e kanë kapluar, i kishte falur një buzëqeshje të madhe e bujare për të ilustruar diçiturën në Facebook, se ai paskësh çuar flamurin e Shqipërisë në selamet edhe me radar të fikur!

Askush mos pastë hallin e Bledion Nallbases!

Kishte rënë në një të madhe ndërdyzje! Shihthe Mamicën me fustan blu e frynte bulçinjtë, duke tërhequr një toskanelo, pako gjë, pako gjë e hajthme tepër, kerrthi i fliste vetes! “Sikur e ka tkurrur Rutja!” Në mos tjetër, tha, “duhet fituar kjo betejë, ta kem atë fustan për ditën e gjykimit si qefin!” Termeja iu afrua e i tha: “Mbahu, vëlla, s’ia ka gjetur njeri fundin merakut, është pyll i pambarim! Lis pas lisi thyhet sëpata.”

Syri i keq i socialistëve, që atë natë me Babon që e keqyrën me babëzi, vështrimi i lig, kishte rënë mbi Jorushin e Tabakëve. Pantallonat e rinj, si kauboj, ishin çarë, për fat, afër këpucëve! Për e lëngata shkoi me aq dhe nuk ia ndali hovin!

Kryezëvendës Lideri, hyqymeti Flamur, komplimentoi “Kronikën” me fjalë të kursyera, pa yrysh, të gjitha të peshuara, që ajo të thellohet në autokritikë, pa rënë në pesimizëm! Ndërkohë, Bernard Banushi, çiarçifi i toskërisë, thur plane të mëdha, tymi i të cilave do të dalë shumë shpejt mbi oxhak!

TAG:

Agron gjekmarkaj

Të ngjashme



“Humori, Parlamenti apo qeveria: Kush të bën të qeshësh më shumë?”



Përndjekja si “meritë” politike e Flamingove



Në kohën e Super Inteligjencës, merremi me Super Budallëqe!

Prapaskena

‘Prapaskena’ lindi si një nismë e një grupi gazetarësh me përvojë dhe plotësisht të pavarur nga çdo parti politike, grup interesash apo klane biznesi, me qëllim për të thënë çdo të vërtetë të guximshme me interes publik. ‘Prapaskena’ është një media e lirë dhe e pakompromis, e cila ka si qëllim informimin e opinionit publik në mënyrë të

Copyrights

Çdo kopjim, përdorim apo riprodhim i paautorizuar i këtij materiali është i ndaluar dhe mund të sjellë ndjekje ligjore. Ju lutemi respektoni punën dhe përpjekjen tonë duke mos e shkelur këtë parim.

Kategoritë

KREU INVESTIGIM
KRIM & KORRUPSION DOSJE ROZË
KRYESORE POLITIKË EKONOMI
ANALIZË RAJON KULTURË SPORT

informimin e opinionit publik në mënyrë të
paanshme, profesionale dhe në dritën e të
vërtetës, mbi çështje që lidhen me
korrupsionin politik, krimin,
pandëshkueshmërinë, grabitjen e pasurive
publike, mbi reformat, sfidat kombëtare dhe
lidhjet e padukshme mes partive politike,
mediave të njësura me interesat
klienteliste, krimit dhe biznesit jo të
ndershëm, të cilët në bashkëpunim
përvetësojnë paratë dhe pasuritë publike.'



Email: [\[email protected\]](#)

Copyright © 2025. All Rights Reserved by Prapaskena

[Privacy Policy](#) | [Cookies](#)

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.